



BACK in Town!

THE CALIFORNIA WHOPPER & WHOPPER JR.

GUACAMOLE SWISS BACON



Minister Mike de Meza y Bureau Intellectuele Eigendom ta discuti plannan pa futuro



ORANJESTAD (AAN): Durante su bishita na Bureau Intellectuele Eigendom recientemente, Minister ing. Mike de Meza, como e mandatario encarga cu e maneho di e departamento aki, hunto cu su director a habri e combersacion tocante plannan pa futuro pa e instancia aki. Nan a acorda di lo reuni pronto tocante cambionan den ley

cu ta, entre otro, provee mas proteccion di e trabao original di musiconan, como tambe di otro personanan cu ta produci trabaonan original manera ta e caso di artesonan.

Minister De Meza a comenta cu lo mester reuni cu e director di Bureau Intellectuele Eigendom y e personanan cu ta representa musiconan,

como tambe representante di otro profesionnan y ramonan cu ta na risico pa nan trabao wordo copia sin nan permiso.

Bureau Intellectuele Eigendom ta un instancia hopi importante cu ta provee

proteccion di e propiedad intelectual, Minister De Meza a expresa. Cu e registracion di ideanan, canticanan, invencionnan, productonan, logonan, lemanan, etc. na Bureau Intellectuele Eigendom, esakinan ta keda protegi. Loke wordo registra no por wordo copia ni reproduci (copyrights) sin e permiso di e persona of instancia cu a registr'e y tin consecucionan legal pa esun cu toch haci su mes culpabel di a haci un of mas reproduccion of copia.

Minister De Meza a splica

cu na Aruba tambe tin registracionnan di instancia y personanan di otro pais cu ya tin nan propiedad cu ta patenta caba den exterior, pero ta desea un registracion na otro pais. Tin registracionnan for di paisnan den nos region, pero tambe por ehempel cu a bin di Europa.

Den un futuro reunion, Minister De Meza y Director di Bureau Intellectuele Eigendom Sr. Gos Oduber lo discuti e trabao y planning pa cu e puntonan menciona, pero tambe diferente otro plannan pa futuro.